

Langprogram for Ulstein Senterparti – kommunevalet 2019

Ulstein Senterparti - eit parti du kan stole på!

Grunnsyn og målsetting

Senterpartiet vil byggje samfunnet nedanfrå. Vi vil ha eit samfunn med frie, sjølvstendige menneske, som med tru på egne evner tek ansvar for sitt liv, for fellesskapet og for natur og miljø.

Senterpartiet er eit verdikonservativt parti som vil byggje politikken sin på eit kristent/humanistisk grunnsyn. Vi meiner at trivsel, tryggleik og gode tenester for kvar einskild innbyggjar skal vere det viktigaste målet for all kommunal verksemd. Kommunen sin politikk må ha eit desentralisert mønster. Vi vil sikre kommunen handlingsrom gjennom god økonomisk styring.

Ulstein Senterparti vil arbeide for god kvalitet på tenestene til ein akseptabel pris

Bustadpolitikk

Senterpartiet vil arbeide for

- at kommunen skal ha styring med korleis Ulsteinvik skal utvikle seg som tettstad, der det er særleg viktig at det vert ein tettstad for folket, med fokus på grønne lungar og trivsel
- å sikre trygge og gode bu- og oppvekstmiljø i heile kommunen
- **gode og tenlege tomtetilbod både i sentrumskrisen og dei andre bygdelaga i kommunen**
- å ivareta god byggjeskikk ved nybygging og rehabiliteringar
- å auke ramma til startlån slik at unge i etableringsfasen, familiar, einslege og flyktingar som har vanskeleg for å få lån i private bankar, skal ha moglegheit til å kjøpe eller byggje nøkterne bustader/leilegheiter
- langsiktig planlegging gjennom kommunalplanen, og kvalitativ utvikling av bygningsmasse

Skule og oppvekst

Barnehage- og skuletilbodet må stå i stil med utbygging av nye bustader og bustadfelt. Skulen skal vere ein god stad for læring og trivsel og vere utan mobbing.

Senterpartiet vil arbeide for

- **å behalde dagens skulestruktur med 4 barneskular**
- **at den kommunale barnehagen i Sundgotmarka vert samla i eitt nytt bygg ved Hasundgot Stadion**
- å behalde eit godt og desentralisert barnehagetilbod
- auka ressursar og fleire lærarar til grunnskulen, særleg på 1.-4.trinn
- å prioritere ei styrking av helsesystemtenesten i skulane
- eit godt SFO-tilbod på alle barneskulane, gjerne i samarbeid med lag og organisasjonar, og la pris stå i forhold til kvalitet
- utviding av Ulsteinvik barneskule
- å halde ved like skuleområda
- punktleg og sikker skuleskyss – alle elevar skal ha rett til seteplass i bussen
- at den vidaregåande skulen skal kunne gi eit variert utdanningstilbod i samarbeid med næringslivet i regionen og distriktet
- behalde ressursane i kulturskolen til ein akseptabel pris
- trygge skuleveggar for elevar i heile kommunen
- å gjere Snoezelen-tilbodet tilgjengeleg for fleire

Kultur- og fritidstilbod

Eit allsidig kultur- og fritidstilbod er avgjerande for trivselen i kommunen. Grunnlaget for mangfald av kulturliv og fritidstilbod ligg i aktiviteten til frivillige lag og organisasjonar. Sentralt i arbeidet for byggjande kultur- og fritidstilbod står idretts- og nærmiljøanlegg, grendehus, samlingshus og samlingsplassar. Senterpartiet vil støtte og stimulere det arbeidet desse gjer saman med andre byggjande kultur- og fritidsaktivitetar og arbeide for at desse skal få støtte til drifta.

Senterpartiet vil arbeide for

- at barnefamiljar med dårleg økonomi får tilgang til kultur- og fritidstilbod
- å sikre grøntanlegg og parkar som trivsels- og møteplassar for alle
- å ta vare på verneverdige bygg som er att i kommunen
- at kommunen må ta vare på og utvikle eigedomen på Borgarøya til aktiv bruk
- å leggje til rette for og støtte opp om aktivitetar for uorganisert ungdom
- å opprette tilbod for born i krinsane
- å støtte opp om ungdomsklubben Bell
- å oppretthalde midlane for trivselstiltak i krinsane
- nytt kyrkjebygg (dersom soknet bidreg med ein vesentleg del av økonomien)

Helse og omsorg

Senterpartiet vil arbeide for å oppretthalde eit godt helsetilbod i Ulstein, med gode lækjartenester, tannlege-, jordmor-, sjukepleie-, fysioterapi-, ergoterapi-, logoped-, ambulanse- og omsorgstenester. Planane for eldreomsorga må verte vidareførte og sette ut i livet i takt med behovet. Senterpartiet ynskjer at dei som vil og kan får bu i heimemiljøet så lenge dei klarer det, men ein skal ha rett til pleie- og omsorgsplass når ein har behov for det.

Senterpartiet vil arbeide for

- å sikre helsesjukepleiar-tenesta i skulane
- auka grunnbemanning og få fleire heile stillingar på sjukeheimen, omsorgsbustadene og i heimetenesta, for å få ned det høge sjukefråveret
- å tilby heile stillingar til alle som ønsker det
- ei god kommunehelseteneste og omsorgsteneste
- å leggje vekt på førebyggjande helsearbeid og vidareføre Frisklivssentralen
- utbygging av fleire heildøgns pleie- og rehabiliteringsplassar ved Alvehaugen
- at alle innbyggjarar som treng det skal få tilbod om institusjonsplass, også ferdigbehandla pasientar frå sjukehus
- at behovet for avlastningsplassar, eldrebustader og omsorgsbustader vert stetta
- at pleiepersonell og tilsette i Helse- og omsorgstenesta får tilstrekkeleg kompetanse, gode arbeidstilhøve med moglegheit for vidareutdanning, og tilpassa stillingsheimlar
- at kommunen skal følge nasjonale retningslinjer for omsorgsløn
- at kommunen må leggje til rette for boligar i krinsane for eldre som framleis ynskjer å bu i heimekrinsen
- å styrke fysio- og ergoterapitenesta
- å sikre akuttfunksjonen for lokalsjukehusa
- å oppretthalde tenestene ved Mork Rehabiliteringssenter

Sosialpolitikk

Senterpartiet vil arbeide for

- aktivt for å redusere problem knytte til rusmisbruk
- viktig haldningsskapande arbeid og førebygging
- at dei som har vanskar må få hjelp til å kome ut av rusproblema sine
- at ungdomspsykiatri, PP-teneste, helsesystemteneste og barnevern må samarbeide med foreldre og skule, både for å førebyggje og drive ettervern
- hyppige kontrollar av skjenkeløyva
- meir synleg politi
- at flyktningar som vert plasserte i kommunen må integrerast i lokalmiljøet. Det må stillast krav til at dei som får opphald, tilpassar seg det samfunnet dei skal bu i, og at dei lærer så mykje norsk språk som mogleg slik at dei kan fungere godt i lokalsamfunnet
- at barnetrygda ikkje skal vere ein del av grunnlaget for sosialstøtte

Samferdsel

Arbeidet med utbetring av vegar, farlege kryss, tunellar og bruer i Ulstein må halde fram.

Ulstein SP vil arbeide for eit trykt trafikkmiljø for alle trafikkantar, særleg viktig er det å gi borna våre trygg skuleveg. Fleire gang- og sykkelveggar må byggast der det er behov, også langs fylkesvegane.

Vi vil arbeide aktivt inn mot fylkeskommunen og vegvesen for løyving av midlar til dette arbeidet.

Gode kollektivtilbod tilpassa brukarane er òg viktig.

Senterpartiet vil arbeide for

- samanhengande gang- og sykkelveggar i heile kommunen
- fartsregulerande tiltak på gang- og sykkelveggar, særleg til skulane, fram til trafikktryggingstiltak vert realisert
- fleire plassar for sikker sykkelparkering i sentrum og ein plass i tilknytning til busshaldeplassen ved Garneskryset
- at fylkeskommunen set av pengar til planlegging og bygging av gang- og sykkelveg langs den farlege vegstrekninga riksveg 61 frå Garneskryset og over Dragsundbrua til Dragsundet
- gang- og sykkelveg frå avkøyrse til Kleven verft langs fv. 26 til Skjerva
- gang- og sykkelveg frå bustadfeltet Skjerva til kryss mellom fv. 26 og kommunal veg til Ytre Dimna (Dimnøyvegen-Notanesvegen)
- gang- og sykkelveg langs fv. 26 frå Sundgot til Kjerringnesmyra
- gang- og sykkelveg langs fv. 25 frå Halsen til Ulstein skule
- Gang- og sykkelveg langs fv. 25 frå bygdehuset Vonheim til gamle Flø skule (Visst bygdefolket på Flø ønskjer det planlegge og bygge ny gangveg langs fylkesveg 25 frå Roppene og til sнопlass på Ytreflø)
- gang- og sykkelveg langs vegen Ringstaddalen frå Haddal skule til ny gangbru over Haddalelva
- gang- og sykkelveg langs fv. 653 frå Garnes til Selvågtunellen
- gang- og sykkelveg frå Garneskryset langs fylkesveg 61 til Botnen (trasé leggjast rundt Kvalneset)
- setje opp fleire busskur for å få folk til å velje kollektiv transport
- vedlikehald og opprusting av eksisterande kommunale vegar, bruer og kaier
 - Ny bru i Ytre Haddal, med skjerma gangveg
- at Vegvesenet og fylket sikrar trafikkfarlege kryss og vegstrekningar i kommunen
 - Rundkøyring/ kryssløysing i Hasundkryset
 - Trafikktryggingstiltak i Saunesmarka
 - Trafikktryggingstiltak ved Glopen (Rema 1000)
 - Sikring og lys i Selvågtunellen
 - Sikrare Kvalnestunell
 - Ny Dragsundbru

Næringsliv

Senterpartiet vil arbeide for å halde oppe og utvikle eit variert næringsliv, gjerne i samarbeid med nabokommunane. Alle verksemder må sikrast gode vilkår for framtidig drift, og det må arbeidast aktivt inn mot myndigheitene for gode og langsiktige rammevilkår.

Senterpartiet vil arbeide for

- at Ulstein kommune skal ta sin del av ansvaret for matproduksjonen i Noreg, jordvern er viktig
- gjennom kommuneplanen sin arealdel, å sikre at dyrka og dyrkbar jord ikkje vert nedbygd
- å sørge for at bøndene får gode arbeidsvilkår og framsnakke næringa
- at kommunen til ei kvar tid kan tilby næringstomter både til landtilknytte næringar og til dei som er avhengige av sjøtilkomst
- at kommunen gjennom næringsfondet aktivt legg til rette for og støttar opp om nye etableringar i alle næringar
- å leggje forholda til rette for reiseliv og turisme, i samråd med lokalbefolkninga og næringane på staden
- offentlege toalett, td på Flø og i Eiksund
- at fiskerinæringa gjennom kommuneplanen vert sikra høveleg sjøareal og tilkomst
- å arbeide opp mot sentrale politikarar for fjerning av formuesskatt på arbeidande kapital for verksemder og enkeltpersonføretak. Ikkje eigeidomsskatt på verk og bruk
- å oppretthalde offentlege servicetenester, som eige lensmannskontor og landbrukskontor
- at arbeidsinnvandrara må integrerast på ein hensiktsmessig måte i Ulstein-samfunnet

Ressursar og miljø

Kommuneplanen er eit viktig arbeidsdokument og må rullerast kvart fjerde år. Ein må leggje stor vekt på naturvern og eksisterande miljø ved kommunal planlegging og utbygging.

Senterpartiet vil arbeide for

- at Ulstein skal vere ei grønn kommune
- at framtidige investeringar for Ulstein kommune skal ta etiske og miljømessige omsyn
- eit reinare sentrum, med synlege søppelbøtter
- offentlege toalett
- at lokalmiljøa sitt syn må tilleggjast vekt i plan- og avgjerdsprosessen
- at landbruksjorda må takast vare på
- å gjere meir for å kome fram til interkommunalt samarbeid om kommunale tenester. Ulstein kommune må samarbeide med nabokommunane om arealdisponering
- at det vert satsa på miljøvennlege nyvinningar
- at Ulstein skal vere ei plastfri kommune
- å ta vare på urørt **natur**, difor vil vi ikkje støtte utbygging av vindmøller landområder

Økonomi

- Senterpartiet i Ulstein vil føre ein ansvarleg og trygg økonomisk politikk til beste for innbygarane i Ulstein kommune.

For Ulstein Senterparti er ingen saker for små

Ta gjerne kontakt med oss om saker du brenn for – vi høyrer på innbygarane – også midt i valperioden

MED HJARTE FOR HEILE ULSTEIN